

四庫全書

史部

欽定四庫全書

大事記續編卷七

明 王禕 撰

漢淮陽王更始元年

淮南李憲元年王郎元年
梁王劉永元年

解題曰張衡以更始居位人無異望光武初為其將
然後即真宜以更始之號建於光武之初

春正月劉續劉秀率下江兵攻甄阜梁丘賜大破斬之
續又破嚴尤陳茂於涇陽下遂圍宛

以本紀通
鑑目錄修

解題曰李賢曰涇陽縣屬南郡在涇水之陽故城在

今鄧州南陽縣南

二月辛巳朔新市平林諸將立長沙王發六世孫更始將軍玄為皇帝改元以族父良為國三老王匡為定國上公王鳳為成國上公劉縯為大司徒劉秀為太常偏

將軍

以紀傳修

解題曰劉縯曰諸將軍幸欲尊立宗室其德甚厚然赤眉起青徐衆數十萬其中必有諸劉聞南陽立宗室恐赤眉徐有所立如此必將內爭王莽未滅而宗

室相攻是疑天下而自損權也且首兵唱號鮮有能
遂陳涉項羽即其事也春陵去宛三百里耳未足為
功遽自尊立為天下準的使後人得承吾敝非計之
善者也今且稱王以號令若赤眉所立者賢相率而
往從之必不奪吾爵位若無所立破莽降赤眉然後
舉尊號亦未晚也餘見通鑑伯升雖不樂聖公之立
而有是言其實利害甚明未幾劉盆子立王莽大發
兵攻假號者於是其言驗矣

夏四月漢兵徇昆陽定陵鄆莽遣司徒王尋司空王邑

將四十二萬人五月與嚴尤等圍王鳳等於昆陽以本紀修

解題曰李賢曰昆陽縣屬潁川郡故城在今許州葉

縣北定陵縣屬潁川郡故城在今鄆城縣西北鄆縣

屬潁川郡今豫州鄆城縣

宛城降入都之以列傳修劉秀救昆陽六月大破之殺王尋

王邑嚴尤陳茂逃以本紀修

解題曰諸將見尋邑兵盛反走入昆陽皆惶怖欲散

歸劉秀曰今兵穀既少而外寇彊大并力禦之功庶可立如欲分散勢無俱全今不同心膽共舉功名反欲守妻子財物耶秀使王鳳王常留守夜自與宗佻李軼等十三騎出城南門於外收兵至鄆定陵悉發諸營兵而諸將貪惜財貨欲分留守之秀曰今若破敵珍寶萬倍如為所敗首領無餘何財物之有秀與敢死者三千人從城西水上衝其中堅尋邑易之自將萬餘人行陳敕諸營皆按部毋得動獨與漢兵戰

不利大軍不敢擅相救尋邑陳亂漢兵乘銳崩之遂
殺王尋城中亦鼓譟而出中外合勢莽兵大潰餘見
通鑑尋邑之師四十二萬而敗於光武三千之衆苻
堅之師百萬而敗於謝玄八千之兵蓋大師難用而
王尋苻融又先就斃此固必敗之道或者乃歸之於
天何耶

殺劉續以劉秀為破虜大將軍封武信侯

以本
紀修

解題曰王莽之所忌者伯升劉稷之所推者伯升以

此立於昏庸之朝難矣事見通鑑

莽大司馬董忠國師公劉秀等謀劫莽以降莽殺忠秀

自殺

以列傳修

秋太白流入太微光如月

以列傳修

成紀隗囂起

兵據隴前清水長公孫述起兵於成都

以通鑑修

前鍾武侯

劉望稱帝於汝南以嚴尤為大司馬陳茂為丞相

以列傳通

鑑目

錄修

解題曰汝南今蔡光等州之地呂祖謙曰尤長於料

事短於擇君事見通鑑

遣王匡攻洛陽

以列傳修

西屏大將軍申屠建丞相司直李

松等攻武關析人鄧暉起兵應漢九月戊申朔漢兵入

宣平門王邑等距戰北闕下己酉焚未央宮孝平皇后

赴火死庚戌三輔豪傑共殺莽

以列傳修

之

解題曰班固曰莽既不仁而有佞邪之材又乘四父

歷世之權遭漢中微國統三絕而太后壽考為之宗

主故得肆其姦慝以成篡竊之禍推是言之亦天時

非人力之致矣及其竊位南面乃始恣睢奮其威詐

毒流諸夏亂延蠻貉猶未足逞其欲焉是以四海之內
囂然喪其樂生之心中外憤怨遠近俱發城池不
守支體分裂遂令天下城邑為虛害徧生民自書傳
所載亂臣賊子考其禍敗未有如莽之甚者也

拔洛陽

以列傳修

冬十月奮威大將軍劉信擊殺劉望嚴尤

陳茂伏誅

以列傳修

劉秀行司隸校尉使脩整官府遷都洛

陽

以本紀修

解題曰王莽地皇三年十月秀與李通李軼等起於

宛時年二十八十一月秀

本文作光武後放此

將賓客還春陵

伯升招新市平林兵與其帥王鳳陳牧擊長聚

前漢音義

曰小於鄉曰聚

秀騎牛殺新野尉乃得馬進屠唐子鄉

李賢曰唐

子鄉在今唐州湖陽縣西南

又殺湖陽尉

李賢曰縣屬南陽郡今唐州縣

進拔棘

陽與王莽前隊大夫甄阜屬正梁丘賜戰於小長安

李賢曰續漢書濟陽縣有小長安聚故城在今鄧州南陽縣南

漢軍大敗還保棘陽

更始元年正月甲子朔復與阜賜戰於泚水之西大

破斬之

李賢曰今唐州泚陽縣南廬江蕩縣泚水與此別

伯升又破莽將軍

嚴尤陳茂於涪陽進圍宛城二月立劉聖公為天子
伯升為大司馬秀為太常偏將軍三月秀別與諸將
徇昆陽定陵鄧皆下之多得牛馬財物穀數十萬斛
轉以饋宛下莽遣王尋王邑將甲士四十二萬人五
月與嚴尤陳茂合秀與宗佻李軼等收兵至鄧定陵
發諸營兵六月己卯秀與營部俱進自將步騎千餘
尋邑遣兵數千合戰奔之斬首數十級秀復進尋邑
兵却諸部共乘之斬首數百千級連勝遂前秀與三

千人衝其中堅尋邑陣亂遂殺尋莽兵大潰秀因復

徇下潁陽

李賢曰縣屬潁川郡故城今在許州

會伯升為更始所害秀

自城父

李賢曰縣屬潁川郡古應國故城在今許州葉縣東北

馳詣宛謝更始

拜秀為破虜大將軍封武信侯九月更始將北都洛

陽以秀行司隸校尉使前整修宮府於是置僚屬作

文移

東觀記曰文書移與屬縣也

從事

續漢書曰司隸置從事史十二人

司察一

如舊章此光武初起及北渡河以前二年中所歷也

遣使者徇郡國

以列傳

樊崇等降封為列侯尋亡去

以列傳

廬江連率李憲據郡自稱淮南王立故梁王立之子永

為梁王

以列傳修

解題曰廬江今廬蘄光江安慶無為安豐諸州之地

劉秀行大司馬事持節巡慰河北

以本紀修

解題曰更始欲令親近大將徇河北未知所使大司

徒言諸家子獨有文叔可用大司馬朱鮪以為不可

更始狐疑大司徒賜深勸之乃拜秀行大司馬持節

過河

馮異傳更始數欲遣光武徇河北諸將皆以為不可時左丞相曹竟子詡為尚書父子用事主

簿馮異勸秀厚結納之及渡河北謂有力焉然則沮之者非止一朱鮪也秀渡河馮異因

間進說曰天下同苦王氏思漢久矣今更始諸將縱橫暴虐所至虜掠百姓失望無所依戴今公專令方面施行恩德夫有桀紂之亂乃見湯武之功人久飢渴易為充飽宜急分遣官屬徇行郡縣理冤結布惠澤秀納之至邯鄲遣異與鉞期乘傳撫循屬縣錄囚徒存鰥寡亡命自詣者除其罪陰條二千石長吏同心及不附者上之餘見通鑑

大司徒劉賜為丞相入關修宗廟宮室

以本紀修

劉秀至河

北除莽苛政復漢官名

以本紀修

南陽鄧禹謁劉秀

以本紀修

解題曰按列傳袁宏漢紀更始立豪傑多薦舉禹禹

不肯從及聞光武安集河北即杖策北渡追及於鄴

宋相州今彰德路

光武見之甚歡因留宿間語禹進說曰聖

人不違時時亦不可失也歷觀往古聖明之興因時

立功二科而已天時與人事也今以天時觀之更始

既立而變方興人事觀之帝王大業非凡夫所任更

始既是庸才而其佐無有忠良明智深謀遠慮欲尊
主安民者也公推誠接士摠攬英雄天下之人皆樂
為驅馳公之德衆所歸也初戰昆陽破王莽四十萬
衆公之武衆所服也軍政齊肅少長有禮公之文衆
所安也以公之威德應民之望收天下英雄而分授
之立高祖之業救萬民之命河內被山帶河足以為
固其土地富貴殷之舊都公之有此猶高祖之有關
中也進兵定冀州北取幽并胡馬之用東舉青徐引

負海之利三州既集南面以號命天下不足定也光

武笑曰且相隨北去因勅左右號禹曰鄧將軍餘見

通鑑

方禹進策之時未有王郎之變故勸以守河內為根本然後定冀州取幽并舉青徐以令天下

及王郎起於倉卒光武客寄其地然卒用幽冀兵定河北下河內三年間降鮑永張步大畧亦如禹之言杜牧曰冀州舜以其大離為幽并程其水土與河南等常重十一二故其人沉鷲多材力重許可能辛苦兵常當天黃帝時蚩尤為兵階自後帝王多居其地晉大常役諸侯秦得韓遂折天下脊復得趙因取諸國韓信聯齊有之故蒯通知漢楚輕重在信光武始於上谷成於鄆魏武舉官渡三分天下有其二宋武有天下十分之八然不能渡河以窺胡高齊荒蕩宇文取得隋文因以滅陳山東王者不得不可為王

霸者不得不可為霸大抵秦漢之間專論關洛形勢時移事改又論山東矣

十二月故趙繆王子林立邯鄲王郎為帝徇下幽冀

紀以

修傳

解題曰王師古曰行一不義殺一不辜雖得天下不為者聖人所以創業垂統必為可繼也光武仗漢遺德以起義兵行天討正渠魁之罪以圖中興而已豈肯詭詐殺人以僥倖一勝哉劉林請決水以灌赤眉宜光武之不從也事見通鑑

李賢曰邯鄲縣屬趙國今洺州縣邯山名鄲盡

也邯山至
此而盡

漢淮陽王更始二年

淮南李憲二年梁王劉永二年
王郎二年楚王秦豐元年

春

正月劉秀北徇薊以茂陵耿弇為長史

以紀
傳修

解題曰薊縣屬涿郡今為州屬大興府

二月西遷長安封宗室功臣為王使左大司馬朱鮪五

威中郎將李軼等鎮撫關東徵隗囂為右將軍

以列傳
通鑑目

錄修故廣陽王嘉子接以薊應王郎劉秀走信都發兵移

檄擊邯鄲郡縣復響應真定王揚起兵附郎秀遣驍騎

將軍劉植說降之

以列傳修

解題曰秀失軍至信都

李賢曰今冀州

太守任光開門出迎

和戎卒正邳彤舉郡降

李賢曰卒正如太守

秀雖得二郡之助

而兵衆未合議者多言可因信都兵自送西還長安

邳彤廷對曰吏民歌吟思漢久矣故更始舉尊號而

天下嚮應一夫大呼無不捐城遁逃虜伏請降自古

以來未有感物動民其易如此者也卜者王郎假名

目執驅集烏合之衆遂震燕趙之地明公奮二郡之

兵揚響應之威以攻則克以戰則服今釋此而歸豈徒空失河北必更驚動三輔墮損威重若明公無復征伐之意則雖信都之兵猶難會也何者明公既西則邯鄲勢成民不肯捐父母背成主而千里送公其離散亡逃可必也秀善其言而止唐仲友曰光武之

謀非誤欲發彤之議以一衆論耳

彤云邯鄲成民不肯背成主而千

里送公此范史也袁紀云邯鄲和城民不捐棄和城而千里送公通鑑考異謂城皆當作成邯鄲成謂邯鄲勢成也成主謂王郎為已成之主也胡銓謂光武馳赴信都王莽和戎卒正彤舉郡降彤傳彤初為

莽和戎卒正注莽分鉅鹿為和成郡東觀漢記或作和戎或作和成考之袁紀則和成為是特以成為城

耳邯鄲和城者和成與邯鄲也城主者和城之主也謂王郎也

延岑據漢中漢中王嘉擊降之

以列傳修

遣尚書僕射鮑永

安集并州尚書僕射謝躬討王郎

以列傳修

上谷太守耿況

漁陽太守彭寵遣突騎助秀擊王郎夏四月圍邯鄲五

月甲辰拔之郎伏誅

以紀傳修

解題曰耿弇走昌平

李賢曰縣屬上谷郡

說父況使功曹寇恂

東約彭寵恂與門下掾閔業共說況曰邯鄲拔起難

可信向王莽時所難獨劉伯升耳大司馬伯升母弟

尊賢下士可攀附也況曰邯鄲方盛力不能獨拒如

何恂曰今上谷完實

李賢曰上谷故城在今媯州懷戎縣

控弦萬騎恂

請東約漁陽

李賢曰郡在漁水之陽今幽州縣

齊心合衆邯鄲不足

圖也況乃遣恂到漁陽結謀彭寵各發突騎二千疋

步兵千人安樂令

李賢曰縣屬漁陽郡

吳漢說寵曰漁陽上谷

突騎天下所聞也君何不合二郡精銳附劉公擊邯

鄲此一時之功也寵以為然會寇恂至寵乃發步騎

三千人以漢行長史及都尉嚴宣護軍蓋延狐奴令

李賢曰縣屬漁陽郡

王梁與上谷長史景丹及耿弇將兵俱南

所過擊斬王郎大將九卿校尉以下首三萬級定涿

郡中山鉅鹿清河河間凡二十二縣乃以景丹寇恂

耿弇蓋延吳漢王梁皆為偏將軍加耿況彭寵大將

軍封況寵延皆為列侯時謝躬率六將軍討王郎不

能下秀至與之合軍東圍鉅鹿未下留將軍鄧滿守

鉅鹿進軍邯鄲連戰破之郎乃使其諫大夫杜威請

降不許急攻之郎少傅李立開門納漢兵遂拔邯鄲

郎夜亡走王霸追斬之餘見通鑑

陳瓘曰二郡之歸發其議者弁也成

其謀者恂與漢也二郡歸而邯鄲可平邯鄲平而天下漸服矣

封劉秀為蕭王令罷兵詣行在所苗曾為幽州牧秀

辭不就徵遣偏將軍吳漢北發十郡兵曾不從漢斬之

將突騎會秀擊銅馬賊大破降之破赤眉於射犬徇河

內降之漢襲殺謝躬於鄴

以本紀通鑑目錄修

解題曰按袁宏漢紀更始遣使封秀為蕭王令罷兵

將有功者詣行在所遣幽州牧苗曾入部王幸温明

殿

李賢曰漢趙王如意之殿在今洛州邯鄲縣內

耿弇請間曰吏士死傷者

多願歸上谷益兵王曰王郎已破河北畧平國家今

都長安天下大定復用兵何為弇曰王郎雖破天下

兵草乃始耳今使者來欲罷兵不可聽也銅馬赤眉

之屬數十萬人所向無前聖公不能辦也敗必不久

王曰卿勿妄言我告斬卿弇曰大王哀厚弇如父子

故敢披赤心王曰我戲卿耳弇曰百姓患苦王莽復

思劉氏聞漢起莫不歡喜從風倒戟橫矢不足以喻
更始未都長安時百姓未具責也今都長安靈室為
天子而大臣專權貴戚縱橫政令不出諸將虜掠甚
於盜賊百姓愁怨天下失望是以知必敗也明公首
事南陽破昆陽下百萬衆今復定河北發號響應望
風而至天下至重公可自取無令他姓得之王曰卿
得無為人道之弇曰此重事不敢為人道於是王謂
鄧禹曰吾欲取幽州突騎誰可使者禹曰吳漢文能

柔未附武足斷大事可用之乃拜漢奔俱為大將軍
持節北發幽州十郡突騎苗魯陰敕諸郡不得應調
漢先馳至無終魯出迎於路漢即叔斬之奔到上谷
亦叔斬常順蔡充北州震駭於是悉發其兵往擊銅
馬漢將突騎來會銅馬食盡夜遁王追及大破之於
館陶赤眉別帥與青犢上江大彤鐵脰五幡十餘萬
衆在射犬王引兵進擊大破之乃南徇河內河內太
守韓歆降初謝躬與王共滅王郎還屯於鄴而與王

積不相能及王南擊青犢使躬邀擊尤來於隆慮山
躬兵大敗因躬在外使漢與岑彭襲據鄴城躬不知
輕騎還鄴漢等收斬之其衆悉降餘見通鑑李賢曰
續漢志野王有射犬聚故城在今懷州武德縣北

公孫述自立為蜀王

以列傳修

遣使使匈奴

以列傳修

赤眉分二

部攻長安遣王匡等據河東弘農以拒之

以列傳通鑑目錄修

解題曰赤眉樊崇等將兵入潁川分其衆為二部崇
與逢安為一部徐宣謝祿楊音為一部赤眉雖數戰

勝然皆疲敝愁泣思東歸崇等慮東向兵必散乃議
西攻長安於是自武關陸渾關兩道俱入更始使王
匡成丹劉均等分據河東弘農以拒之

蕭王北徇燕趙以鄧禹為大將軍西入關偏將軍寇恂
為河內太守

以列傳修

梁王永起兵以賊帥絞彊董憲張步

等為將軍

以列傳修

秦豐自號楚黎王田戎陷夷陵

以列傳修

大事記續編卷七

欽定四庫全書

大事記續編卷八

明 王禕 撰

漢世祖光武皇帝建武元年

漢劉盆子建武元年 梁劉永三年 成公孫述龍

興元年

淮南李憲三年

楚王

秦豐二年

西平王盧芳元年

春正月平陵方望立

前定安公嬰為帝更始遣丞相李松擊斬之

以本紀通鑑目錄修

赤眉二部會弘農三月李松大敗於務鄉

以列傳通鑑目錄修

解題曰李賢曰續漢志弘農有務鄉蓋在今號州湖

城縣之間

夏四月公孫述稱帝改元國號成

以列傳修

蕭王擊尤來大

槍五幡於元氏破之又戰於順水北失利歸保范陽遣

吳漢等追滅之

以本紀修

解題曰李賢曰元氏屬常山郡今趙州縣順水即徐

水經北平縣故城北今在易州作慎者誤范陽縣屬

涿郡范水之陽故城在今易州易縣東南

朱鮪殺李軼攻温平陰寇恂等大破之

以紀傳修

解題曰李賢曰温今洛州縣平陰縣屬河南郡

儒生彊華奉赤伏符來六月己未蕭王即皇帝位于鄆

南改元大赦

以本紀修

解題曰更始元年九月以秀為破虜將軍行大司馬

事十月持節北渡河鎮慰州郡考察黜陟如州牧行

部事至邯鄲故趙繆王子林說曰赤眉今在河東樊

時在河南北其別部也

決水灌之百萬之衆可使為魚

李賢曰續漢書

曰林言赤眉可破上問其故對曰河水從列人北流如決灌之可令為魚列人故城在今肥鄉縣東北

秀不從十二月林立卜者王郎為天子都邯鄲更始

二年正月以郎新盛北徇薊故廣陽王子劉接起兵

薊中以應郎大司馬乃南奔至饒陽

李贇曰縣屬安平國故城在今

瀛州饒陽縣東北

官屬乏食晨夜兼行至呼沱河

李贇曰山海經云大

戲之山呼沱之水出焉在今代州繁峙縣東流經定州深澤縣東南即光武所渡處俗謂之危渡口史容

曰出代州崞縣東經蔚州真定府祁州深川河間府莫州保定軍霸州至信安軍入海

遇水合

得過進至下博城西

李贇曰屬信都國在下博縣南

不知

所之有白衣父老指曰信都為長安守去此八十里

馳赴之太守任光出迎因發旁縣得四千人先擊堂

陽賞縣皆降之

任光傳多作檄文遣馳至鉅鹿界中世祖與光等投暮入堂陽界使騎各

持炬火光炎震天地舉城震驚又邳彤傳比至堂陽已屬王郎彤使張嵩尹綏曉譬吏民即開門出迎李

賢曰堂陽及賞並屬鉅鹿郡堂陽故城在今冀州鹿城縣西北和戎卒正邳彤亦舉

郡降昌城人劉植

李賢曰昌城屬信都國故城在今冀州西北

宋子人耿

純

李賢曰宋子縣屬鉅鹿郡故城在今趙州平棘縣之北

各據縣邑以奉大司

馬北降下曲陽

李賢曰縣屬鉅鹿郡

衆數萬人北擊中山拔盧

奴

李賢曰中山府安喜縣有盧水黑曰盧不流曰奴

所過發奔命兵時真定

王揚起兵附郎大司馬遣劉植說降揚因留真定南

擊新市真定元氏防子皆下之攻柏人不下引兵拔

廣阿

李賢曰新市縣屬鉅鹿郡故城在今恒州東北房子屬常山郡今趙州縣真定縣故東垣柏人

縣屬趙國今邢州縣故城在縣西北廣阿縣屬鉅鹿郡故城在趙州象城縣西北

會上谷太

守耿况漁陽太守彭寵各遣突騎來助擊郎更始亦

遣尚書僕射謝躬討郎遂東圍鉅鹿月餘不下郎遣

將倪宏劉奉率數萬人救鉅鹿逆戰於南繇

李賢曰縣屬鉅

鹿郡故城在邢州柏人縣東北斬首數千級四月圍邯鄲五月拔其

城誅郎更始遣侍御史立為蕭王令罷兵詣行在所

辭不就徵時諸賊銅馬大彤高湖重連鐵脛大捨尤

來上江青犢五校檀鄉五幡五樓富平獲索等

李賢曰諸

賊或以山川土地為名或以軍容強盛為號銅馬帥東山荒秃上淮汎等大彤帥樊重尤來帥樊崇五校

帥高邕檀鄉帥董次仲五樓帥張大富平帥徐少獲索帥古師郎等各領部曲衆合數

百萬人秋王擊銅馬於鄔

李賢曰縣屬鉅鹿郡故城在今冀州鹿城縣東

吳

漢將幽州突騎會清陽

李賢曰縣屬清河郡今伊州縣

賊食盡夜遁

追至館陶大破之

李賢曰縣屬魏郡今魏州縣

受降未盡而高湖

重連從東南來與銅馬餘衆合王復與大戰於蒲陽

悉破降之

李賢曰蒲陽山蒲水所出在今定州北平縣西

赤眉別與大彤青

犢十餘萬衆在射犬王進擊大破之使吳漢岑彭襲

殺謝躬於鄴青犢赤眉入函谷關乃遣鄧禹引兵而

西時更始使朱鮪李軼等屯洛陽令馮異守孟津以

拒之建武元年王北擊尤來大槍五幡於元氏追至

北平

李賢曰縣屬中山國今易州永樂縣營州西南別有右北平郡非此

連破之又戰

於順水北為賊所敗散兵歸保范陽賊引去大軍復

進至安次

李賢曰縣屬勃海郡今幽州縣

破之賊入漁陽乃遣吳漢

等追戰於潞東及平谷

李賢曰潞縣屬漁陽郡平谷亦屬漁陽在潞縣北

大

破滅之朱鮪遣蘓茂攻溫馮異寇恂與戰大破之於

是諸將議上尊號馬武先進曰天下無主大王雖執

謙退奈宗廟社稷何宜且還薊即尊位乃議征伐王

驚曰何將軍出是言可斬也乃引軍還薊夏四月至

中山諸將復上奏曰漢遭王莽宗廟廢絕王與伯升

首舉義兵更始因其資以據帝位而不能奉承大統

敗亂紀綱盜賊日多群生危蹙大王初征昆陽王莽

自潰後拔邯鄲北州弭定三分天下而有其二跨州

據土帶甲百萬臣聞帝王不可以久曠天命不可以

謙拒惟大王以社稷為計萬姓為心王又不聽行到

南平棘

李賢曰縣屬常山郡今趙州縣故城在縣南

諸將復固請之王曰

寇賊未平四面受敵何遽正位號乎諸將且出耿純

進言甚切至王曰吾將思之行至鄆

李賢曰今趙州高邑縣

先

在長安時同舍生彊華自關中奉赤伏符來群臣復

奏命有司設壇場於鄆南千秋亭五成陌

李賢曰在今趙州柏

鄉縣水經注曰
亭有石壇碑

六月己未即位燔燎告天禋于六宗

望於群神大赦天下此光武渡河北後即位前所歷也高祖殺羽成功始即帝位光武未成功而遂即位者紹漢統繫人心也自此以後凡赦不悉書

甲子鄧禹擊王匡於安邑大破之

以紀
傳修

解題曰李賢曰安邑縣屬河東郡今蒲州縣

赤眉立宗室劉盆子為帝改元

以紀
傳修

解題曰赤眉軍中祠城陽景王以求福助及樊崇欲

立帝求軍中景王後崇蓋城陽人也餘見通鑑

申屠建隗囂勸更始避位與張卬等謀劫之歸南陽更

始斬建卬等距戰囂歸天水更始奔新豐

以列傳通鑑目錄修

解題曰按袁宏漢紀更始諸將懼赤眉至申屠建隗

囂共勸更始不應謀劫更始司馬光通鑑考異不取

而從范曄書范書隗囂傳流聞光武即位河北囂即

說更始歸政於光武叔父良更始不聽諸將欲劫更

始東歸囂亦與通謀蓋赤眉將至羣情震恐張卬廖

湛輩以盜賊規模故欲東歸申屠建隗囂所見差高
故勸之避位及更始不從然後建囂與邛等通謀耳
餘見通鑑

秋七月辛未鄧禹為大司徒封鄴侯丁丑以野王令王
梁為大司空封武強侯壬午吳漢為大司馬封舞陽侯

以紀
傳修

以平原太守伏湛為尚書

以列傳袁
宏漢紀修

解題曰按袁宏漢紀更始立湛為平原太守遭倉卒
驚擾而湛獨晏然教授如故俸祿分以賑鄉里來客

者百餘家時郡中不安湛移書屬縣不得相侵凌天生蒸民為立君非久亂也且養老育幼以待真主門下督欲起兵湛即誅督示百姓又按列傳光武即位知湛名儒舊臣欲令幹任內職徵拜尚書使典定舊制

鄧禹渡河

以列傳修

解題曰禹渡汾陰河入夏陽更始中郎將左輔都尉公乘歛引其衆十萬與左馮翊兵共拒禹於衙

李賢曰縣

屬左馮翊禹復破走之

武帝元禹四年置三輔都尉丞各一人地志左輔都尉治高陵右輔

都尉治郿不言京輔都尉所治者治長安也三輔之兵皆主之中尉令公乘欽以左輔兵拒禹而嚴奉以

右輔兵圍更始於高陵也

己亥帝幸懷遣建威大將軍耿弇等屯五社津吳漢率

十一將軍圍洛陽

以奉紀修

解題曰先屯五社津脩滎陽以東而後圍洛陽秦漢以來形勢所在光武蓋熟之矣李賢曰懷縣屬河內郡在今懷州武陟縣西水經曰鞏縣北五社津有山

臨河其穴潛通淮浦有渚謂之鮪渚

八月壬子祭社稷癸丑祠高祖太宗世宗

以本紀修

帝幸河

陽

以本紀修

李松趙萌攻王匡張邛於長安更始入之赤眉

至高陵匡邛降九月陷長安更始奔高陵

以本紀修

解題曰高陵縣屬馮翊

封更始為淮陽王

以本紀修

甲申以前高密令卓茂為太傅

封褒德侯

以本紀修

解題曰初茂與同縣孔休陳留蔡勳安衆劉宣楚國

龔勝上黨鮑宣六人同志不仕王莽時並名重當時
詔曰夫名冠天下當受天下重賞蓋光武嘗為諸生
受學故能發此論惜其不尊任三公故茂之事業他
無聞焉餘見通鑑

辛卯朱鮪降

以本紀修

冬十月癸丑帝幸洛陽都之

以本紀皇極經

世修

解題曰洛陽纔下光武即入都之蓋洛陽非若長安
更始赤眉之燬蕩此光武所以定都而不遷也宋敏

求河南志洛陽即成周敬王之成周也蔡質漢典職
儀曰南宮至北宮中央作大屋複道三道行天子從
中道從官夾左右十步一衛兩宮相去七里

淮陽王降赤眉

以紀傳
通鑑修

鄧禹屯柁邑

以列傳
通鑑修

解題曰蘓轍曰赤眉之亂光武欲急攻之禹欲緩取
之議者見禹之敗因以禹為失計是不然赤眉方強
急之實難緩之為得逮其自敗西走扶風而禹乘之
猶能還兵敗禹而况其未敗也哉光武若審知如此

聽禹堅守北道時出撓之而使別將挾持其東東西
蹙之磨以歲月而赤眉成禽矣禹之敗而西歸也要
馮異共攻異謂虜餘衆尚多難卒用兵破禹又不從
而敗由此觀之禹本計不失而帝不能用禹亦迫於
君命而不能自固耳事見通鑑李賢曰枸邑縣屬右
扶風故城在今豳州三水縣東北

十一月帝幸懷以本紀修梁王永稱帝以本紀修十二月丙戌帝

至自懷以本紀修赤眉殺淮陽王以通鑑修隗囂自稱西州上將

軍據隴右

以紀傳修

解題曰按列傳囂天水成紀人也

李賢曰故城在今秦州隴城縣西北

更始立崔廣等推囂為上將軍擊殺雍州牧安定大

尹安定悉降長安誅王莽遂分徇隴西武都金城武

威張掖酒泉敦煌皆下之其後囂被徵及自長安再

歸天水則竇融據河西五郡囂所有者天水

武帝分秦州置

後改漢陽宋同慶府西和秦鞏會四州天水軍地

安定

涇渭原邠四州鎮我德順懷德三軍之地

隴西北地

慶陽府靈環鹽

而已

此據紀傳建武六年赦四郡吏人為囂註

誤者餘見通鑑

張掖屬國都尉竇融自稱五郡大將軍據河西

以列傳通鑑修

解題曰按李賢注班勇傳河西四郡蓋金城張掖酒

泉敦煌今稱五郡者併武威言之也事見通鑑

盧芳詐稱劉文伯據安定稱西平王

以紀傳修

解題曰芳安定三水人也

李賢曰續漢志三水縣有左右谷故城在今江州安

定縣南更始元年隗囂等殺安定大尹王向降之二年

更始徵囂芳亦被徵為騎都尉使鎮撫安定以西三

年囂亡歸天水三水豪傑立芳為西平王匈奴立芳
為漢帝將胡騎還入安定蓋是時囂未必能復取安
定至建武五年芳都九原縣掠有五原朔方雲中定
襄鴈門然後隗囂再取安定耳事見通鑑

將軍馮愔據柁邑反護軍黃防執之以降以列傳通鑑修上黨

太守田邑降

以通鑑修

漢世祖光武皇帝建武二年

漢劉盆子建武二年 梁劉永四年 成公孫述龍

興二年 淮南李憲四年 楚王 秦豐三年 西平王盧芳二年 春正月甲子朔日有

食之

紀以本
修

吳漢擊檀鄉賊於鄴東降之

紀以本
修

解題曰力子都餘黨與諸賊會於檀鄉

李賢曰今宛州瑕丘縣東

北有檀鄉渠帥董次仲起在平

李賢曰縣屬東郡故城在今博州聊城縣

東渡河入魏郡清河與五校合

庚辰封功臣為列侯大國四縣餘有差

紀以本
修

立宗廟社

稷郊北

紀本

解題曰立高廟于洛陽四時禘祀高帝為太祖文帝

為太宗武帝為世宗餘帝歲五祀大社稷在宗廟之

右制郊兆於城南七里

赤眉焚宮室而西鄧禹入長安修復陵廟

以本紀通鑑日錄修

真

定王揚謀反誅

以列傳通鑑修

二月己酉帝幸修武

以本紀修

解題曰李賢曰修武縣屬河內郡今懷州縣本殷之

寧邑

鮑永降

以紀傳修

解題曰永封上將軍列侯印綬悉罷兵但幅巾與諸將及同心客百餘人詣河內帝見永問曰卿衆何在

永離席叩頭曰臣事更始不能令全誠慙以其衆幸
富貴故悉罷之帝曰卿言大而意不悅既而永以立
功遂見任用餘見通鑑范曄曰鮑永守義於故主斯
可以事新主矣耻以其衆受寵斯可以大寵矣若乃
言之者雖誠而聞之者未譬豈苟進之悅易以情納
持正之忤難以理求乎誠能釋利以循道居方以從
義君子之槩也

王梁免太中大夫宋弘為大司空封桐邑侯

以奉
紀修

解題曰唐仲友曰宋弘不易妻之對諷意深矣事見

通鑑

彭寵反

以奉紀修

解題曰光武圍邯鄲寵轉糧食前後不絕王郎死光武追銅馬至薊寵上謁自負其功意望甚高光武接之不能滿以此懷不平而反光武以問幽州牧朱浮浮曰前吳漢北發兵時大王遣寵以所服劍又倚以為北道主人寵謂至當迎閣握手交歡並坐今既不

然所以失望餘見通鑑

光武之待彭寵正與高祖之待英布相反布之始至意望

甚高高祖倨傲以折之布悔恨欲死及供張服御如漢王始大喜過望此蓋自薄而至厚彭寵遣兵轉糧助討王郎光武倚以為北道主又遣以所服劍及來上謁接之乃不能滿其意此蓋自厚而至薄此布所以終為高祖用而寵反不旋踵也

延岑稱王於漢中

以本紀修

帝至自修武

以本紀修

三月詔議省

刑法

本紀

遣執金吾賈復擊郾郾王尹尊降

本紀

遣虎牙大

將軍蓋延等討劉永夏四月圍睢陽

以本紀修

遣吳漢擊宛

宛王劉賜降

以列傳通鑑修

甲午封叔父良為廣陽王兄子章

為太原王興為魯王淮陽王子三人為列侯

以本紀通鑑修

鄧

王王常降

以列傳修

五月庚辰封周後姬常為周承休公

以本

紀修 癸未詔民嫁妻賣子欲歸父母者聽之

以本紀修

六月戊

成立貴人郭氏為皇后

本紀

解題曰光武中興六宮稱號惟皇后貴人貴人金印

紫綬奉不過粟數十斛又置美人宮人采女三等並

無爵秩歲時賞賜充給而已

漢法常因八月笑人遣中大夫與掖庭丞及相

工於洛陽鄉中閱視良家童女年十三以上二十以下姿色端麗合法相者載還後宮擇視可否乃用登

御所以明慎聘納詳求淑哲明帝幸遵先旨宮教頗
修登建嬪后必先令德內無出閫之言權無私溺之
竊可謂矯
其弊矣

立子彊為皇太子增郎謁者從官秩一等

紀本

秋八月帝

征五校幸內黃降之

紀本

解題曰李賢曰內黃縣屬魏郡今相州縣

將軍鄧隆討彭寵敗績

紀本

蓋延拔睢陽劉永走湖陵

紀以

修傳

解題曰張晏曰湖陵屬山陽郡

遣太中大夫伏隆安輯青徐張步等降

以本紀修

將軍鄧奉

據清陽反

以本紀修

九月壬戌帝至自內黃

以本紀修

赤眉發諸

陵鄧禹遣兵擊之敗赤眉入長安禹襲之復敗

以本紀修

眉攻漢中王嘉於谷口大敗嘉降鄧禹

以本紀修

解題曰李賢曰谷口縣故城在今醴泉郡東北四十

里水經注涇水東經九峻山東中山西謂之谷口

冬十一月以廷尉岑彭為征南大將軍討鄧奉

以本紀修

偏將軍馮異代鄧禹

以本紀修

解題曰帝之遣異也敕曰三輔遭王莽更始之亂重
以赤眉延岑之酷元元塗炭無所依訴將軍今奉辭
討諸不軌非必畧地屠城要在平定安集之耳異受
命而西所至布威信羣盜多降

遣伏隆拜張步為東萊太守

列傳

十二月戊午詔封宗室

列侯

本紀

三輔大饑赤眉東走遣將軍侯進屯新安耿弇

屯宜陽以要之

以列傳通鑑修

是歲野穀旅生野蠶成繭

以本紀修

漢世祖光武皇帝建武三年

梁劉永五年

成公孫述龍興三年淮南李憲五

年 楚王秦豐四年 西平王盧芳三年 春正月馮異
齊王張步元年 海西王董憲元年

為征西大將軍鄧禹與赤眉戰於回溪異救之俱敗以表

宏漢
紀修

解題曰李賢曰回溪俗名回坵在今洛州永寧縣東

辛巳立皇考南頓君以上四親廟以本紀修鄧禹免為右將

軍以通鑑修閏月馮異大破赤眉於崤底賊南走巳亥帝幸

宜陽勒六軍待之以紀傳修劉盆子奉璽綬降以本紀修

解題曰李賢曰崤山名底阪也一名欽岑山在今洛

州永寧縣西北赤眉既降帝令縣尉賜食十餘萬人皆得飽飫明旦大陳兵馬臨洛水令盆子君臣列而觀之謂樊崇等曰得無悔降乎朕今遣卿歸營勒兵鳴鼓相攻決其勝負不欲強相服也徐宣等叩頭曰今日得降猶去虎口歸慈母誠歡誠喜無所恨也餘

見通鑑

光武降銅馬降者不自安光武知其意勅令勒兵歸營乃自乘輕騎案行部陳降者曰蕭

王推赤心置人腹中安得不投死乎及是赤眉降又令樊崇等歸營勒兵與決勝負不欲強服之馬謖之所謂服心諸葛亮之擒縱孟獲光武之餘畧也

戊申帝至自宜陽

紀以本修

二月己未祠高廟賜天下長子

當為父後者爵一級

紀以本修

劉永立董憲為海西王張步

為齊王步殺伏隆而反

紀以本修

解題曰步欲留隆與共守二州隆求得反命步遂執

隆而受永封隆遣間使上書曰願得以時進兵無以

臣隆為念臣隆得生到闕庭受誅有司此其大願若

今沒身寇手以父母昆弟長累陛下帝得隆奏召其

父湛流涕以示之曰隆可謂有蘇武之節恨不且許

而遽求還也其後步竟殺之陳瓘曰伏隆之求還足以成命矣死而無憾安用且許之乎光武之言所以慰其父耳

帝幸懷遣吳漢等擊青犢於軹西大破降之

以本紀修

解題曰李賢曰軹西縣屬河內郡故城在今洛州濟源縣東南

三月壬寅以司直伏湛為大司徒封陽都侯

以本紀修

解題曰唐仲友曰伏湛侯霸即後漢宰相規募蔡茂

馮勤趙燾張湛杜林郭丹皆賢德智能之士大抵皆有
大臣之節人才非不盛而中興之美未盡者用人
不盡其才故也

涿郡太守張豐反

以通鑑修

彭寵陷薊自立為燕王

本紀

帝幸

堵陽

本紀

解題曰李賢曰水經注堵水南經小堵鄉在今唐州
方城縣

夏四月大破鄧奉於小長安斬之

本紀

馮異與延岑戰於

上林破走之

以紀傳修

吳漢與劉永將蘓茂戰於廣樂大破

之

紀本

解題曰廣樂地闕今宋州虞城有長樂故城蓋避隋

煬帝諱

睢陽反迎劉永

以本紀通鑑目錄修

五月己酉帝還宮

紀本

乙卯晦

日有食之

紀本

六月耿弇與延岑戰于穰大破之

紀本

解題曰李賢曰穰縣屬南陽郡今鄧州縣

秋七月遣岑彭等討秦豐大破之於黎丘

以紀傳修

遣將軍

傅俊徇江東

以本紀通鑑修

蓋延拔睢陽斬劉永蘇茂等復立

其子紆於垂惠

以本紀修

解題曰郡國志汝南郡山桑縣有垂惠聚一名禮城

冬十月壬申帝幸春陵祠園廟置酒舊宅

以本紀修

耿弇請

再發上谷兵許之

以通鑑修

十一月乙未帝至自春陵

以本紀修

是歲李憲稱帝

以本紀修

隗囂奉奏

以本紀修

漢世祖光武皇帝建武四年

梁王劉紆元年

成公孫述龍興四年淮南李憲

六年 齊王張步二年

海西王董憲二年

春二月壬子

帝幸懷壬申還宮

以本紀修

鄧禹等破延岑於武當岑奔公

孫述

以紀修傳

解題曰李賢曰武當縣屬南陽郡今均州縣

夏四月丁巳帝幸鄴遣吳漢擊五校於箕山大破之五

月辛巳幸盧奴遣將軍祭遵等討張豐斬之六月辛亥

還宮

以紀修傳

解題曰李賢曰箕山東郡箕山也時彭寵攻朱浮遣

鄧隆助浮浮以帝怠於敵不能救之上疏曰昔高祖

聖武天下既定猶身自征伐未嘗寧居陛下雖興大業而獨逸豫不顧北垂百姓皇皇無所繫心三河冀州曷足以傳哉詔報曰軍資未充故須後舉耳帝幸盧奴將親征彭寵伏湛諫曰今充豫青冀中國之都寇賊從橫未及從化漁陽地接外虜豈足先圖帝竟不親征唐仲友曰伏湛諫征彭寵不特以漁陽兵精亦以寵為功臣以嫌隙反不欲光武親征欲使曲在寵而自斃此宰相之職也

秋七月丁亥帝幸譙遣將軍馬武等圍劉紆八月戊午

帝幸壽春遣將軍馬成等討李憲九月圍舒

以本紀修

解題曰壽春乃下蔡也水經注淮水又北經下蔡縣

故城蔡成公自新蔡遷于州來謂之下蔡東岍又有

一城即下蔡新城二城對據翼帶淮流李賢曰壽春

今壽州縣舒縣在今廬州廬江縣西

以臨淮大尹侯霸為尚書令霸奏每春下寬大之詔奉

四時之令

以列傳通鑑修

解題曰時無典故朝廷又少舊臣霸明習故事收錄遺文條奏前世善政法度有益於時者皆施行之陳

瓘曰侯霸之於漢事猶伏生之於書也

唐仲友曰伏

所奏惟行鄉飲酒禮侯霸所奏惟下寬大詔書若宋弘則不復有所建明蓋三公不過奉職而已非復古者論道之意矣

以孝廉為尚書郎

以列傳修

冬十月甲寅帝還宮

以本紀修

隗囂

遣馬援入見

以列傳修

解題曰援至帝在宣德殿南廡迎笑謂援曰卿遨遊

二帝間今見卿使人大慙援頓首辭謝因曰當今之
世非獨君擇臣也臣亦擇君矣臣與公孫述同縣少
相善臣前至蜀述陞交戟而後進臣臣今遠來陛下
何知非刺客姦人而簡易若是帝復笑曰卿非刺客
顧說客耳援曰天下反覆盜名字者不可勝數今見
陛下恢廓大度同符高祖乃知帝王自有真也餘見
通鑑光武之見馬援岸幘迎笑亦以駕御豪傑矯揉
為之耳援雖謂帝同符高祖而又謂高帝無可無不

可今上好吏事動如節度不喜飲酒未必不有以窺其微也

卓茂薨

以本紀修

十一月丙申帝幸宛遣建義大將軍朱祐

等圍秦豐

以本紀修

十二月馮異與公孫述將程焉戰于陳

倉隗囂遣兵助異大破之述遣使招囂囂斬其使

以本紀修

伏湛奏行鄉飲酒禮

以列傳修

漢世祖光武皇帝建武五年

成公孫述龍興五年
南李憲七年

漢盧芳五

年
董憲三年
海西王

春正月癸巳帝還宮

以本紀修

遣太中大夫來

歛送馬援歸隴右

以列傳修

二月馬武等拔垂惠劉紆走

紀以

傳修

乙丑帝幸魏郡

紀本

封殷後孔安為殷紹嘉公

紀本

彭寵

奴殺寵以降封為不義侯

以本

紀注通鑑目錄修

解題曰隋滑州刺史王軌為奴所殺攜其首以奔竇

建德建德曰奴殺主為大逆我何可納之命立斬奴

而返軌首於滑州吏人感之即日而降齊濟二州及

兗州賊帥皆聞風而下惜哉光武之不出此也事見

通鑑

以中山太守郭伋為漁陽太守徵上谷太守耿况封年

平侯

以列傳
通鑑修

吳漢耿弇大破富平獲索於平原降之

紀本

三月將軍龐萌反

以本紀表
宏漢紀修

岑彭拔夷陵田戎奔公孫

述

以紀傳修

夏四月旱蝗

以本紀修

竇融遣使入貢以為涼州牧

以本紀傳修

六月朱祐拔黎丘獲秦豐

以本紀修

帝幸蒙龐萌董憲

等攻桃城帝大破之

以本紀修

解題曰李賢曰蒙縣屬梁國故城在今宋州北任城

國有桃聚故城在今兗州任城縣北

秋七月丁丑帝幸沛祠高祖幸蕃大破憲於昌慮八月

己酉幸剡吳漢拔之斬劉紆遂圍萌憲於胸

以本紀修

解題曰李賢曰蕃縣屬魯國故城在今徐州滕縣昌

慮縣屬東海郡故城在今徐州滕縣東南古邾之濫

邑邾縣屬東海郡故城在今泗州下邳縣東北胸縣

屬東海郡故城在今海州朐山縣西

冬十月還幸魯使大司空祠孔子

以本紀修

耿弇與張步戰

於臨淄大破之帝幸劇張步斬蘓茂以降

本紀表宏漢紀

解題曰李賢曰劇縣故城在今青州壽光縣南故紀
國

初起太學立五經博士十四家帝還幸之

以紀
傳修

解題曰按陸機洛陽記太學在洛城縣開陽門外去
宮八里儒林傳序立五經博士易有施孟梁丘京氏
書歐陽大小夏侯詩齊魯韓禮大小戴春秋嚴顏初
起太學稽式古典籩豆干戚之容備之於列服方領
習矩步者委蛇乎其中

十一月伏湛免以侯霸為大司徒

以本紀修

十二月西平王

盧芳據五郡稱漢帝

以列傳修

隗囂遣子入侍

以本紀修

交州牧

鄧讓遣使入貢

以本紀修

詔復濟陽徭役二年

以本紀修

解題曰李賢曰濟陽縣故城在今曹州寃句縣西南

地理志陳留郡有濟陽縣

是歲徵處士嚴光周黨王良等至京師拜光及良為諫

議大夫光不受

以列傳袁宏漢紀皇極經世修

解題曰光字子陵會稽餘姚人也少與光武同遊學

光武即位以物色求之後齊國言有一男子釣澤中
乃備安車玄纁遣使聘之三反而後至舍於北軍司
徒霸與光素舊遣使奉書光不答乃投札與之口授
曰君房足下位至鼎足甚善懷仁輔義天下悅阿諛
順旨要領絕霸得書封奏之帝笑曰狂奴故態也車
駕即日幸其館光卧不起帝即其卧所撫光腹曰咄
咄子陵不可相助為理耶光又眠不應良久乃張目
熟視曰昔唐堯著德巢父洗耳士故有志何至相迫

乎帝曰子陵我竟不能下汝耶於是升與歎息而去
復引光入論道舊故相對累日從容問光曰朕何如
昔對曰陛下差增於往因共偃卧以足加帝腹上拜
諫議大夫不肯受去耕釣於富春山中黨字伯况太
原廣武人也王莽竊位託病杜門賊暴縱橫唯至廣
武過城不入建武中徵為議郎以病去職被徵不得

已乃著短布單衣穀皮綃頭待見尚書

李賢曰以穀
樹為綃頭也

鄭玄注儀禮云如今著慘頭
自項中而前交額上即踣髻

及引見伏而不謁

朱熹
曰如

單于來朝贊謁
謁之禮未聞

自陳願守所志帝許焉時又徵王良

逢萌薛子方等良東海蘭陵人也王莽時寢病不仕

三年徵拜諫議大夫遷沛郡太守乞骸骨徵拜太中

大夫六年為大司徒司直在位恭儉妻子不入官舍

布被瓦噐以病歸一歲復徵至滎陽疾篤不任進道

乃過其友人友人不肯見曰不有忠言竒謀而取大

位何其徃來屑屑不憚煩也良慙自後連徵不應萌

北海都昌人也之長安學通春秋王莽殺其子宇萌

謂友人曰三綱絕矣不去禍將及人即解冠挂東都城門歸將家屬浮海客遼東光武即位乃之琅琊勞山詔書徵萌託以老耄迷路東西即便駕歸連徵不起又按前漢列傳薛方齊人也嘗為郡掾祭酒徵不至莽以安車迎方方因使者辭謝曰堯舜在上下有巢由莽說其言不強致世祖即位徵方道病卒唐仲友曰光武召隱逸二百年節義所出也

漢世祖光武皇帝建武六年

成公孫述龍興六年
即漢盧芳六年

春正

月改春陵為章陵縣復其民比豐沛

以本紀素
宏漢紀修

辛酉詔

郡國有穀者給高年孤寡貧癯者如律

以本
紀修

解題曰李賢曰漢律今亡按成帝永始二年詔吏民

以義收食貧民入穀物助縣官賑贍者已賜直其百
萬以上加賜爵不更欲為吏補三百石三十萬以上
賜爵五大夫吏並遷二等民補郎十萬以上無出租
賦三歲萬錢以上一年豈亦律耶

馬成等拔舒獲李憲二月吳漢拔朐獲董憲龐萌帝以

天下粗定廼休諸將於洛陽分軍士於河內置酒賞賜

以本紀表
宏漢紀修

馬援鄭興申屠剛杜林自隗囂所來歸以援

興為太中大夫剛林為侍御史

以列傳
通鑑修

三月公孫述遣

田戎任滿寇南郡

以本紀修

夏四月丙子帝幸長安始謁高

廟遂有事于十一陵

鄭樵
年譜

遣蓋延等七將軍從隴道討

公孫述五月己未還宮隗囂反使其將王元塞隴坻諸

將敗還

以本紀
傳修

解題曰郭仲產秦州記曰隴山東西百八十里在隴

州沂源縣西

六月辛卯詔省縣四百餘吏職十置一

以本紀修

解題曰太常省太宰均官都水雍太祝五時各一尉
光祿勳省左右曹黃門郎車戶騎三將羽林令衛尉
省旅賁令衛士一人丞太僕省太廐家馬令丞尉車
府路軫騎馬駿馬令丞六牧師苑令廷尉中都官獄
二十六所各令長皆省大鴻臚省驛官別火二令丞
郡邸長丞宗正省都司空令丞大司農省均輸等少

府省五丞場官織室令官者昆臺飲飛三令二十一
丞水衡省屬官令長丞尉二十餘人執金吾省式道
左右中候中壘寺互都船令丞尉左右京輔都尉八
校省中壘胡騎虎賁三校尉此中興省在內官職之
大畧也

蝗

紀本

秋九月丙寅晦日有食之

紀本

解題曰執金吾朱浮上疏曰陛下疾往者上威不行
下專國命即位以來不用舊典信舉刺之官黜鼎輔

之任至於有所劾奏便加退免覆案不關三府罪譴不蒙澄察陛下以使者為腹心而使者以從事為耳目是為尚書之平決於百石之吏人不自保迫於舉劾懼於刺譏故爭飾詐偽以希虛譽所以致日月失行之應也願陛下遊意於經年之外望治於一世之後天下幸甚帝采其言自是牧守易代頗簡

冬十月丁丑詔舉賢良方正百察上封事無隱有司遵法度

以本紀修

十一月詔王莽時吏人沒為奴婢者免為庶

人

以本
紀修

解題曰高祖即位即下免奴婢之詔識者謂其得作
民主之職光武十年之間奴婢之詔六七下其猶高
祖之意哉

十二月壬辰宋弘免

以本
紀修

解題曰弘坐考上黨太守無所據免歸唐仲友曰進
賢退不肖宰相職也弘守正疾惡所考必非賢以是
免之過矣

癸巳詔田租復三十稅一

以本紀修

鮮題曰詔曰頃者師旅未解用度不足故行什一之

稅今軍士屯田糧儲差積其令郡國見收田租三十

稅一如舊制

劉隆屯田武當李通屯田順陽張純屯田南陽王霸屯田新安皆在魏鄧間也

隗囂遣行巡王元冠扶風馮異及祭遵拒破之

以本紀修是

歲罷郡國都尉官

本紀

鮮題曰郡尉秦官掌佐守典武職甲卒景帝更名都

尉

劉歆曰郡有都尉國有中尉此時罷郡都尉官本紀有國字誤也

至是始罷并職

太守無都試之役明年遂罷郡國材官矣

李奇曰材官騎士習

射馳戰陣常以八月太守都尉令長丞尉都試課殿最水處則習舡邊郡將萬騎行障塞應劭曰每有劇盜郡臨時置都尉事已罷之薛季宣曰光武久在兵間思欲息肩又西都之季都肆或以為患韓延壽始以試士借擬不道誅而翟義之反王莽隗囂之劫更始李通之勸光武皆以秋試因勒車騎誅令長號令起事光武懲之遂罷不講

始遣列侯就國

本紀

匈奴遣使來獻

本紀

漢世祖光武皇帝建武七年

成公孫述龍興七年

漢

盧芳七年

朔寧王隗囂

元年春時民得休息樂吏職而勤農桑乃草王莽偽薄之

弊聽言觀行明試以功

以表宏漢紀
稽古錄修

詔申薄葬之義

本

紀修

三月丁酉詔罷輕車騎士材官樓舡士及軍假吏為

民

以本
紀修

解題曰詔曰今國有衆軍並多精勇宜且罷輕車騎

士材官樓舡士及軍假吏令復還民伍漢官儀曰高

祖命天下郡國選能引關蹶張材力武猛者以為輕

車騎士材官樓舡常以秋後講肄課試各有員數平

地用車騎山阻用材官水泉用樓舡李昉曰軍假吏

謂軍中權置吏也

應劭漢官儀曰自郡國罷材官騎士之後官無警備實啓戎心一方

有難三面救之一切取辦黔首罷然不及講其射御用其戒誓一旦驅之以即強敵是以每戰常負張角搖蕩八州並發乃遠徵三邊殊俗之兵非我族類忿驚縱橫多僵良善以為已功不教而戰是謂棄之豈

虛也哉魏鄭泰之論亦然

公孫述以隗囂為朔寧王

以本紀修

解題曰囂稱臣於述述騎都尉荊邯見東方將平兵且西向說述曰漢祖起於行陣之中兵破身困者數矣然軍敗復合創愈復戰何則前死而成功踰於却

就而滅亡也隗囂割有雍州兵強士附威加山東遇
更始復失天下囂不及此時推危乘勝以爭天命而
退欲為西伯之事尊師章句賓友處士偃武息戈卑
身事漢今漢帝釋關隴之憂專精東伐四分天下而
有其三使西州豪傑咸歸心於山東發間使召携貳
則五分有其四若舉兵天水必至沮潰則九分而有
其八陛下以梁州之地內奉萬乘外給三軍百姓愁
困臣愚以為宜及天下之望未絕豪傑尚可招誘急

以此時發國內精兵令田戎據江陵臨江南之會倚
巫山之固築壘堅守傳檄吳楚長沙以南必隨風而
靡令延岑出漢中定三輔天水隴西拱手自服如此
海內震搖莫有大利餘見通鑑陳瓘曰邨之謀於漢
則不利於述則忠矣而述以縣令之器識近慮狹無
能遠也

癸亥晦日有食之詔百僚上封事不得言聖鄭興上疏
論政事帝多納用

以列傳表
宏漢紀修

夏四月壬午詔舉賢良方

正

以本紀修

五月前將軍固始侯李通為大司空

以本紀修

使司

隸校尉督察三司空掾陳元諫從之

以呂祖謙標目題

秋隗

囂寇安定馮異祭遵擊却之囂將王遵降

以本紀修

冬漢朔

方雲中太守降

以本紀修

以汝南都尉杜詩為南陽太守

以列

傳修

漢世祖光武皇帝建武八年

成公孫述龍興八年

隗囂

二年春正月中郎將來歛襲據略陽隗囂攻之不克夏閏

四月帝自將征囂竇融率五郡太守會于高平囂將牛

邯降囂衆潰奔西城遣吳漢等圍之帝幸上邽遣蓋延等攻圍上邽封竇融等為列侯

以紀傳袁宏漢紀修

解題曰李賢曰畧陽縣屬天水郡故城在今秦州隴城縣西北高平縣屬安定郡今原州縣西城縣屬漢陽郡一名始昌城在今秦州上邽縣西南上邽縣屬隴西郡故邽戎邑今秦州縣

盜起潁川秋大水

以本紀修

八月帝東歸九月乙卯還宮庚

申南征盜皆降戊寅還宮冬十月丙午幸懷十一月乙

丑還宮

以本紀修

公孫述遣兵救隗囂吳漢蓋延等退却

以本

修紀

十二月高句麗王遣使來貢

通鑑

漢世祖光武皇帝建武九年

成公孫述龍興九年

盧芳九年 隗純元年

漢

春正月潁陽成侯祭遵卒于汧詔馮異領其營

以列傳通鑑修

解題曰李賢曰汧縣屬右扶風故城在今隴州汧源

縣

隗囂死王元立其子純

以本紀修

解題曰蘓轍曰隗囂初據隴坻謙恭下士豪傑歸之

然聖公君臣不改盜賊之舊而囂束手稱臣陷諸父
於死地及光武自河北入洛而囂懲既往之禍方擁
兵自固謀臣去之義士笑之而囂與王捷一二人以
死守之始從聖公而不疑終背光武而不悔去就之
計無一得者劉表專制荊州曹袁相距於官渡二人
皆求助於表表方晏然自守一無所與卒為曹公所
并隗囂劉表雍容風義皆有長者譽於其敗也皆以
去就不明失之不如張魯於敗亡之餘知所歸往猶

能保其後嗣也

三月公孫述遣田戎任滿據荊州

以紀傳修

解題曰述遣田戎任滿程汎將數萬人乘枋箬

李賢曰以

竹木為之浮於水上

下江關

李賢曰華陽國志曰巴楚相攻故置江關舊在赤甲城後移在江南

岸對白帝城故基在今夔州魚復縣南

擊破馮駿等拔巫及夷陵夷道

李賢曰巫夷陵二縣並屬南郡

據荊門虎牙

李賢曰水經注曰江水東歷荊門虎牙之間荆

門山在南上合下開其狀似門虎牙在北石壁色紅間有白文類牙在峽州夷陵縣東南宜都縣西北

橫江水起浮橋闕樓立攢柱絕水道結營山上以拒

漢兵公孫述拒漢兵之西孫皓拒晉兵之東皆於險
要置浮橋關樓鐵鎖之屬然岑彭卒焚之而破蜀王
濬亦燒之而滅吳險其可恃哉餘見通鑑

夏六月丙戌帝幸緱氏

以本
紀修

解題曰李賢曰緱氏在洛陽之東

遣吳漢等擊盧芳將賈覽於高柳匈奴救之漢等不利

以紀
傳修

解題曰李賢曰高柳縣屬代郡故城在今雲州定襄

縣

秋八月遣來歙率馮異等討隗純於天水

以紀傳修

是歲省

關都尉復置護羌校尉

以本紀修

封陰就為宣恩侯

以列傳通鑑修

漢世祖光武皇帝建武十年

成公孫述龍興十年漢盧芳十年

春正

月吳漢等擊賈覽破之

以本紀修

夏馮異斬公孫述將趙匡於

天水

以本紀修

夏陽節侯馮異卒

以本紀修

秋八月帝幸長安祠陵

廟遂幸汧隗純將高峻降

以本紀修

冬十月來歙等大破隗純

於落門純降王元奔蜀

以本紀修

解題曰李賢曰今渭州隴西縣東南有落門山落門

水出焉

先零羌寇金城隴西來歙大破之

以本
紀修

庚寅帝還宮

以本

紀修

漢世祖光武皇帝建武十一年

成公孫述龍興十一年
漢盧芳十一年

春二月己卯詔殺奴婢不得減罪

以本
紀修

三月己酉帝幸

南陽章陵祠園陵庚午還宮

以本
紀修

閏月遣吳漢等發兵

與岑彭會彭大破田戎任滿於荆門獲滿遂率舟師討

公孫述留將軍馮駿圍我於江州

以本紀修

解題曰田戎等據荆門虎牙彭數攻之不利於是裝直進樓船冒突露橈數千艘彭與吳漢及劉隆臧宮劉歆發南陽武陵南郡兵又發桂陽零陵長沙委輸棹卒凡六萬餘人騎五千疋皆會荆門吳漢以三郡棹卒多費糧穀欲罷之彭以蜀兵盛不可遣上書言狀帝報曰大司馬習用步騎不曉水戰荆門之事一由征南公為重而已彭乃令軍中募攻浮橋先登者

上賞於是魯竒應募而前飛炬焚之彭復悉軍順風
並進所向無前蜀兵大亂溺死者數千人餘見通鑑
李賢曰江州縣屬巴郡今渝州巴縣樓船秦制也秦
使尉屠睢將樓船之士以攻越漢官儀以為高帝所
置誤也岑吳伐蜀用樓船露橈船紀皆謂之舟師然
則樓船蓋舟師之一也七年既罷樓船士而伐蜀討
交趾皆用樓船者蓋所罷者其士而船則未罷也水
戰則徐募擢卒耳逮永平而樓船之名始泯

夏四月丁卯省大司徒司直官

以本紀修

先零羌寇臨洮以

太中大夫馬援為隴西太守破之

以本紀修

六月來歙等破

公孫述將王元環安於下辯安使盜殺歙詔以馬成代

之

以本紀修

解題曰下辯縣屬武都郡今成州同谷縣舊名武街

城

帝自將征述秋七月次長安八月岑彭破述將侯丹於

黃石將軍臧宮大破延岑於沈水王元降帝還宮

以本紀修

解題曰唐仲友曰光武常以大軍隨諸將後不特為人才有限亦所以摠攬權綱也事見通鑑李賢曰黃石即黃石灘也水經注曰江水自涪陵東出百里而屆于黃石在今涪州涪陵縣沈水出廣漢縣下入涪水

冬十月述使盜殺岑彭以紀傳修馬成平武都遂與馬援擊

破先零羌徙之天水隴西扶風以本紀修

解題曰武都今同慶府鳳沔階州之地

十二月吳漢率舟師討公孫述

以本紀修

是歲省朔方牧并

并州斷州牧奏事

以本紀修

解題曰杜佑通典舊制州牧奏二千石長吏不任位者皆先下三公三公遣掾吏按驗然後黜退光武即位用法明察不復委三府故權歸舉刺之吏

漢世祖光武皇帝建武十二年

漢盧芳十二年

春正月

吳漢破公孫述將魏黨公孫永及其壻史興於武陽

以本

修紀

解題曰李賢曰武陽縣屬蜀郡故城在今益州成都

縣東南

夏六月黃龍見東阿

以本紀修

解題曰李賢曰東阿今濟州縣

秋七月馮駿拔江州

以本紀修

九月吳漢大破公孫述將謝

豐於廣都斬之臧宮拔涪城引兵與漢會

以本紀修

解題曰廣都縣屬蜀郡故城在今益州成都縣東南

涪城今綿州縣按通典於梓州涪城縣注臧宮拔涪

城斬公孫恢即此蓋兩漢涪縣東晉立始平郡西魏改郡為涪城縣為潼隋改潼為涪城屬綿州大歷十三年屬梓州所以新唐書隸梓州舊唐書隸綿州

李通免

以本紀修

解題曰陳元以高才著名辟司空李通府時大司農江馮上言宜令司隸校尉督察三公事下三府元上疏曰臣聞師臣者帝賓臣者霸故武王以太公為師齊桓以夷吾為仲父近則高帝優相國之禮太宗假

宰輔之權及王莽遭漢中哀專操國柄以偷天下况
已自喻不信群臣奪公輔之任損宰相之威以刺舉
為明徵訐為直至乃陪僕告其君長子弟變其父兄
網密法峻大臣無所措手足然不能禁董忠之謀身
為世戮今四方尚擾百姓觀聽咸張耳目陛下宜勞
心下士屈節待賢不宜使有司有察公輔之名帝從
之永元中司隸校尉
晏稱劾太尉張酺通性謙恭常欲避權勢自為宰
相謝病不視事連年乞骸骨帝每優寵之令以公位

歸第養疾通復固辭積二歲乃聽上大司空印綬呂
祖謙曰高祖識大體而節目未免踈漏光武節目甚
詳悉而大體不能無遺所以二漢風聲氣習厚薄緩
急不同高祖斷無他技其心休休焉有容故能屈羣
策盡衆智規模所以寬光武緣有他技不識大體一
時之治非不可觀終無餘味大抵政事統體上則人
主下則大臣相與共持治體者也羣有司百執事奉
而行之者也光武不任三公事歸臺閣而人主下親

簿書期會故當人主聰明強力耳目手足之所及事
固皆舉至後世少惰即衰不可用如西漢諸君何嘗
盡賢惟其有規模統體故子孫有所憑藉東漢自光
武之後明章皆賢君論其積累自當深厚纔至和帝
以後反不若西漢以此知其全無統體西漢輔相如
禹光輩多庸繆懷姦若東漢大臣袁安李固楊震之
徒過之甚遠然而終不能救天下者正由事不在三
公故也

冬十一月戊寅吳漢臧宮與公孫述戰於成都大破之
殺述已卯時延岑以城降辛巳漢滅公孫氏及岑焚宮
室大掠詔祠譙玄表李業之間徵費貽等西土歸心焉

以紀
傳修

解題曰建武十一年岑彭上劉隆為南郡太守自率

臧宮劉歆長驅入江關

臧宮傳宮與彭等破荆門別
至垂鵲山通道出秭歸至江

州令軍中無得虜掠乘利直指墊江

今合州本西漢
巴郡之墊江縣

攻破平曲

李賢曰縣屬巴
郡今忠州縣

到江州留馮駿討之六月

來歙與蓋延馬成進攻述將王元環安於河池

李賢曰一

名仇池縣屬武都郡今鳳州縣

下辯陷之乘勝遂進蜀人大懼使刺

客刺歙馬成代歙守中郎將帝自將征述七月次長

安述使延岑呂鮪王元及其弟恢率兵拒廣漢

今漢州綿

州地及資中

今資州資陽縣

又遣侯丹率二萬餘人拒黃石彭

乃多張疑兵使護軍楊翕與臧宮拒延岑等自分兵

浮江下還江州泝都江而上

都江成都江也

襲擊侯丹大破

之因晨夜倍道兼行二千餘里徑拔武陽使精騎馳

廣都去成都數十里勢若風雨初述聞漢兵在平曲故遣大
兵逆之及彭至武陽繞出延岑軍後蜀地震駭述大
驚曰是何神也延岑盛兵於沈水臧宮衆多食少降
者皆欲散宮欲引還會帝遣謁者將兵詣岑彭有馬
七百匹宮矯制取以自益晨夜進兵多張旗幟登山
鼓噪右步左騎挾船而引岑不意漢軍卒至登山望
之大震恐宮因縱擊大破之斬首溺死者萬餘人岑
奔成都其衆悉降自是乘勝追北軍至平陽鄉王元

降馬成等平武都

帝在長安馬成既平武都王元巳降臧宮可以進兵矣而僅破先零

遽罷其軍者帝慮述連諸羌動搖三輔則蜀未可平故幸長安為之聲援其實重兵全在吳漢岑彭也

蜀刺客詐為亡奴降夜刺殺彭詔鄭興領其營吳漢

裴露橈船將南陽兵及弛刑募士三萬人泝江而上

漢并將彭軍十二年與述將魏黨公孫永戰於魚涪

津

李賢曰續漢書曰犍為郡南安縣有漁涪津在縣北臨大江

大破之遂圍武陽

述遣子壻史興將五千人救之漢迎擊盡殄其眾因

出犍為界諸縣皆城守漢乃進兵攻廣都拔之武陽

東諸小城皆降述將帥離叛雖誅滅其家不能禁帝必欲降之乃下詔諭述曰勿以來歛岑彭受害自疑今以時自詣則宗族完全詔書手記不可數得述終無降意秋七月馮駿拔江州漢乘利將步騎二萬餘人進逼成都去城十餘里阻江北為營作浮橋使將軍劉尚將萬餘人屯於江南相去一十餘里述使其將謝豐袁吉將衆十許萬分為二十餘營并出攻漢使別將萬餘人劫劉尚令不得相救漢與大戰一日

兵敗走入辟豐因圍之漢饗士秣馬閉營三日不出
乃多樹幡旗使烟火不絕夜銜枚引兵與劉尚合軍
豐等不覺明日乃分兵拒水北自將攻江南漢率兵
引戰自旦至晡大破之斬豐吉引還廣都自是戰廣
都成都之間八戰八克遂軍于其郭中臧宮拔綿竹
破涪城斬述弟恢復攻繁李賢曰繁郫
二縣屬蜀郡郫至吳漢營
飲酒高會述募敢死士五千餘人以配延岑於市橋

李膺益州記中星橋舊市橋
也在今成都縣西南五里

偽建旗幟鳴鼓挑戰而

潛遣奇兵出漢軍後襲破漢漢墮水緣馬尾得出時
漢軍餘七日糧陰具船欲遁蜀郡太守張堪馳見漢
說述必敗不宜退師漢從之乃示弱挑敵冬十一月

臧宮軍咸門

李賢曰咸門
有二門西曰咸門

戊寅述自將數萬人

攻漢使延岑拒宮大戰岑三合三勝自旦及日中軍
士不得食並疲漢因令壯士突之述兵大亂被刺洞

胸墮馬

吳漢傳云護軍高
午奔陣刺殺述

左右輿入城以兵屬延岑

其夜死明旦岑降辛巳漢夷述妻子盡滅公孫氏并

族延岑放兵大掠焚述宮室帝聞之怒以譴漢又讓
劉尚曰城降三日一旦放兵縱火聞之可為酸鼻尚
宗室子孫嘗更吏職何忍行此良失斬將弔民之義
也譙玄者巴郡閬中人平帝元始四年為繡衣使者
王莽居攝變姓名竄歸述連聘不詣乃遣使者備禮
徵之若不肯起便賜以毒藥太守自至玄廬曰誠不
宜復辭玄曰保志全高死亦奚恨遂受毒藥玄子瑛
泣血叩頭於太守願奉家錢千萬贖父死太守為請

述許之李業廣漢梓潼人王莽居攝以病去官述徵
為博士固稱疾不起述羞不致之使大鴻臚尹融持
毒酒奉詔命以劫業融譬旨曰今天下分崩孰知是
非而以區區之身試於不測之淵乎業乃嘆曰古人
危邦不入亂邦不居何乃誘以高爵重餌哉融曰宜
呼室家計之業曰大丈夫斷之於心久矣何妻子之
為遂飲毒而死述聞業死大驚又耻有殺賢之名乃
遣使弔祠賻贈百匹業子翬逃辭不受平帝時蜀郡

王皓為美陽令王嘉為郎王莽篡位並棄官歸述使
徵皓嘉恐不至先繫其妻子使者謂皓曰速裝妻子
可全對曰大馬猶識主況於人乎自刎以首付使者
述怒誅皓家屬嘉聞而歎對使者伏劍而死捷為費
貽不肯事述乃漆身為癘陽狂以避之同郡任永馮
信述連徵命皆託青育以避世難建武十一年卒明
年天下平詔奉郡祠以中牢其忠節志義之士並蒙
旌顯程烏李育以有才幹皆擢用之於是西土咸悅

莫不歸心焉夫以譙玄數子不汙莽朝其節固與周
黨王霸薛方之徒無以大相過至其不為述起則其
貞操卓識尤過人遠甚而述以盜賊之行脅之以死
是其規模猶出王莽下而欲長有其國難矣光武尊
寵而表厲之惟恐不至其知為君之道者哉

參狼羌寇武都馬援降之

以本
紀修

解題曰按列傳爰劍曾孫忍秦獻公兵臨渭首忍季
父印將其種人南出賜支河曲西數千里與衆羌絕

遠其後子孫任隨所之或為蒼牛種越鴛羗是也或
為白馬種廣漢羗是也或為參狼種武都羗是也忍
與弟舞獨留湟中往年先零寇臨洮援既破之其寇

鈔拒浩疊隘

李賢曰音告門縣屬金城郡浩水名門者水流夾山門兩岸深若門金城郡故

城在今蘭州廣武縣西

援與馬成又破降之而徙之天水隴西

扶風至是參狼羗諸種寇武都援復擊破之而隴右
始清餘見通鑑范曄論曰先零侵境趙充國遷之內
地當煎作寇馬文淵徙之三輔貪其暫安之勢信其

馴服之情計日用之權宜忘經世之遠畧豈夫識微者之為乎故微子垂泣於象箸辛有浩歎於伊川也

詔邊吏追虜料敵不拘以戰守逗留法

以陳瓘通鑑約論修

解題曰李賢曰說文逗留止也前漢書音義逗是曲行避敵也漢法軍行逗留畏慢者斬至是令追虜者或遠或近量敵進退不拘以軍法直取勝敵為務也

逗古住字

遣驃騎大將軍杜茂將死刑等築北邊亭候

以本紀修詔實

融與五郡太守入朝

以列傳修

執金吾雍奴盛侯冠恂卒

以列

修傳

解題曰袁宏曰冠恂之才足居內外之任雖暫撫河

內再綏穎川未足究其遠畧也及在汝南延儒生受

左氏何其閑也晚節從容不得預於治體以世祖之

明冠生之智猶不得自盡於時况庸主乎

大事記續編卷八